



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvací, 1625

Vigesima-Prima. De custodia humilitatis, & consideratione propriæ
fragilitatis.

[urn:nbn:de:hbz:466:1-45790](#)

idoneus non es ad praedicandum.

5. Valde bonum opus est scribere libros, quos amat Iesus, in quibus ipse agnoscitur, legitur, & prædicatur. Nec dubium, quin ab ipso amaberis, & copiose remuneraberis; si diligenter ad honorem Dei & utilitatem proximorum, libros ecclesiasticos scripferis. Si mercedem suam non perdet, qui calicem aquæ frigidæ sipienti porrigit; quantam mercedem recipiet, qui animæ perpetuæ victuæ salutaris sapientie aquam scribendo ministrat. Quot enim literas debitè formas, tot Deo hostias laudis offers. Meritorium est ergo & deuotum scribendis libris operam dare, & eos in magna reuerentia ac diligentí custodia seruare; quibus diuinum officium quotidie celebratur, & multiplex eruditio inde seminatur.

6. Sunt namque libri sacri arma clericorum, ornamenta Ecclesiarum, diuitiæ & thesauri doctorum, tubæ sacerdotum, solatia religiosorum, epulæ deuotorum, testamenta sanctorum, lumina fidelium, seminaria virtutum, organa Spiritus sancti. Scribere ergo libros, opus Deo acceptabile, legere vtile, docere commendabile, prædicare salubre. Quis autem legeret vel prædicaret, nisi sanctorum scripta nosset; & nisi scriptor prius scripsisset? Benedicta ergo manus scribentis, & benedicti dungi in tali opere occupati. Exemplo suo te docet Iesus dungi scribens in terra, quatenus & tu libenter scribas Dei verba; quæ dum alius legit, alius etiam prædicat, præmium maximum de multiplici fructu laborum manu tuarum consequeris: præstante Domino nostro Iesu Christo, omnium bonorum remuneratore; apud quem omnes capilli capitii numerati sunt, & singulæ literæ scriptæ non poterunt desperire. Eia feliciter, Amen.

VIGESIMA - PRIMA.

De custodia humilitatis, & consideratione propria fragilitatis.

1. **C**um feceritis omnia, qua præcepta sunt vobis, dicite: Serui inutiles sumus. Præfens Domini Iesu sermo multum nos informat ad humilitatis custodiæ, & ad exclusionem omnis vanæ gloriæ & tumoris. Præcipue admonet altitudinis cupidos, ut propriæ fragilitatis & negligentiae sint memores, nec de operibus suis, licet humano iudicio bene gestis, se extollant: sed Dei iudicium supra se metuentes, misericordiam ipsius humiliter potius deprecantur, quam de suis meritis presumant. Ita namque sanctus & humilis David, pauidus ad Deum clamat: Non intres in iudicium Psal. 142. *in sermone, quia non iustificabili in conspectu tuo omnis vimens.* Ecce, quam

quam viliter tibi sentiendum est de teipso; quam grauiter expuescendum tibi supernum iudicium, qui longè distas à sanctitate David magni regis & prophetæ. Neque tu rex, neque propheta, neque sanctus, neque electus secundum cor Dei. sicut & ille, meruisti aliquando appellari. Impleuit tamen ipse sermonem Domini, inutilem seruum se confitendo; etiam culicem canem, ac vermem se nominando, nil clatum post mirifica gesta de seipso sentiendo.

2. Reduc ad memoriam mala præterita, vitia præsentia, pericula futura: & nequaquam elatè senties, sed magis timebis, & vilem atque inutilem te pronuntiabis. Non indiget Deus servitio tuo, etiam si rectè egeris; nec ei dignè placebis, nisi te indignum & inutilem seruum cognoveris. *Cum feceritis, inquit, omnia quæ precepta sunt vobis, dicete: Serui inutiles sumus.* Si hoc dicere debes omnibus mandatis expletis, nec ius habes in aliquo glorandi, quam viliter & indignè sentiendum est tibi, cum in tam multis quotidie deficis & delinquis, & penè nihil ad perfectum ducis? Quando potuisti per unam diem vel horam ita probè & custodite coram Deo & hominibus conuersari, ut nihil eorum negligentes, quæ te facere oportuit & sicut decuit? Tanta est infirmitas humana, ut contagione non careant, etiam quæ humano iudicio tamquam iusta laudantur. Depone ergo omnem vanam complacentiam & arrogantium, atque propriæ inutilitatis attende multitudinem.

3. Discute cogitationum tuarum prauitatem & instabilitatem & inuenies te non solum inutilem ad bona, sed multis malis obnoxium dignumque contumelijs & pœnis. Hoc autem unicum est remedium & solutum contributati spiritus, ut pro tam innumeris negligentijs & maculis peccatorum, in veritate se quilibet humiliet: atque omnibus inferiorē se reputet & ineptum: numero confessionis & scuto bonæ voluntatis, peccata præterita & negligentias quotidianas sollicitè redimendo, ac deuotis orationibus frequenter insistendo. Igitur contra irruentia vitia viriliter te oppone: quia tanto quisque in virtutibus proficit, quanto acrius sua vitia odit ac vincit. Et licet saepius tentaris & cadis, tamen iterum debes niti resurgere, & bonum propositum cum maiore cautela arripere, & cum Propheta dicere: *Iuravi ē statu iustodire iudicia iustitiae tuae.* Quotiescumque ergo ab incepto proposto deficis, & vires perficiendi non habes, nequaquam desperes, nec te deiicias: sed in Domino confidendo, cum omni humilitate & instantia magna clama, & ora: *Adiuua me, O saluus ero, & meditabor in iustificationibus tuis semper.*

V I G E-

Luce 17.

Psal. 113.

Ibidem.

